

南又繪一海，名噶順淖爾。據紀略卷十一云：『噶斯淖爾（圖說二作噶順淖爾）周廣二百餘里。有三源，自西境磧中流出來注之。噶斯淖爾極三十九度六分，西二十六度五分。去羅布淖爾東南二百里。』今據其所述之經緯度，相當於今之喀拉庫順。在其西又繪有一不知名之圓池。推其位置比率，相當於今之喀拉布朗庫爾。據此，是在清乾隆時羅布淖爾已南北分流：在北者水積於阿拉罕附近，疑仍爲隋唐時之舊道；在南者水積於密遠之北及羅布村附近。蓋爲新海。其移徙之時代，雖不可確知，疑當在明清之際也。但當時因南北河流之情形尙不清晰，故以後地圖家多不注意喀拉庫順，並將南部東西兩湖刪除，僅將羅布淖爾繪於北部；如大清一統圖、西域圖志、西域水道記附圖皆如此，此中國地圖家之過也。及清之末葉，左宗棠平定回亂後，改省置縣，新疆重隸中國版圖。光緒初，巡撫劉錦棠、魏光燾先後派劉清和、郝永剛探敦煌古道，而清末之羅布淖爾情形始大白。清光緒十七年（公元一八九一年）陶保廉據劉清和等探查圖說，述其大概云：『自敦煌西門渡黨河，西北行約一千二百七十里，至黑泥海子。』注云：『西北二十里鹹灘，有廢屋基。導者云：『咸豐時此地亦爲水，回民漁於此，今淤爲鹹地。』又西南三十里，黑泥海子，卽羅布淖爾東南隅也。水畔沮洳，人馬難近；水鹹有蘆葦。四十里蘆花海子，九十里阿不旦。』據其所述，是劉清和等所經行者正當羅布淖爾之南。『黑泥海子』疑卽喀拉庫順湖之義譯。『蘆花海子』皆爲喀拉庫順西之小海子。由引導者所云：『咸豐時有水，後淤爲鹹地』之語觀之，是在咸豐以前水勢較大，至同光以後遂漸乾涸耳。又陶氏轉錄劉清和云：『羅布淖爾水漲時東西長八九十里，南北寬二、三里或一、二里不等。』據此是較清乾隆間噶順淖爾周三百里其情形已有不同。陶保廉又記由托克遜至婁羌道云：『……九十里和兒罕渡塔里木河，四十里七克里克莊，莊南涉水。（注云：于闐東之卡墻河（卽車爾成河）東北流，至此會塔里木河。）四十里羅布村。四境多沮洳，卽蒲昌海之西畔，古稱牢蘭海，今回語曰喀喇布朗庫爾，（言黑風海子也）蒙古語曰羅布淖爾。』據其所述，是塔里木河水南流會車爾成河水，南積於婁羌之北，分爲東、西兩湖。陶氏記之甚詳，並不因襲於西人之發見也。（十）自陶氏之說出後，新疆圖志道路志均本此繪羅布淖爾於婁羌之北；民國初